

Біртұтас тәрбие бағдарламасын іске асыру бойынша іс-шара

Тақырыбы: «Дәстүрім-ұлттық қазынам»

(аналар арасында сайыс)

«Айгөлек» ересектобы

Өткізген: Амангожина А.А

Қоқашева Г.Я

2023-2024 оқу жылы

Тақырыбы:

«Дәстүрім – ұлттық қазынам»

Мақсаты:

Халқымыздың салт-дәстүрлерін дәріптеуге, қастерлеуге үйрету;

Сайыскерлердің ойлау, сөйлеу дағдысын дамыту, өз ойын жеткізе білуге, ізденуге қалыптастыру.

1 жүргізуші:

Құрметті көрермендер!

“Өткенді білмей, келешекті білу мүмкін емес. Бұрынғының парқын білгендер ғана, бүгінгінің парқын ұғады”, - деген болатын Ғабит Мүсірепов ағамыз.

2 жүргізуші: Құрметті ұстаздар, білім алушылар көрермендер!

Ұлттық тәрбие – кешегі өткен қариялардан, ғұлама, ойшылдар мен шешен-билерден, ақын-жыраулар мен сал-серілерден мұра, мирас болып қалған ұлы тәрбие құралы. Тәрбие тамыры – халық қазынасында, - дегендей, бүгін екі топ арасында өткелі отырған

«Дәстүрім – ұлттық қазынам!» атты сайысымызға қош келдіңіздер!

1 жүргізуші: Енді сайысымызды бастамас бұрын, топтарымызға әділ бағасын беретін әділ қазылар алқасымен таныстырып өтелік. (Әділқазыларды таныстыру).

2 жүргізуші:

Амандасу салтымыз,

Есенбісіз жалпыңыз.

Бағалыны артына,

Қалдырған-ды халқымыз- дей отырып, «Дәстүрім – ұлттық қазынам!» атты сайымызды бастаймыз.

1 жүргізуші:

Бүгінгі сайысқа қатысқалы отырған топтарымызды таныстырып өтелік.

1-топ «Мұрагер», топ басшысы:

2-топ «Мирас», топ басшысы :

2 жүргізуші: Сайыс кезеңдері:

1- кезең «Салт-дәстүрді білесіз бе?»- бұл бөлімде сіздер ұлттық салт-дәстүрлерге байланысты сұрақтарға жауап бересіздер.

2- кезең «Атадан қалған асыл сөз»- бұл кезеңде би-шешендердің сөздері оқылып, авторын табу сұралады.

3- кезең «Сандар сыры» киелі сандарға байланысты тапсырмалар беріледі.

4- кезең «Мақал- сөздің мәйегі» - бұл кезеңде ұсынылған мақалдың алдыңғы бөлігі бойынша, көрсетілген уақыт аралығында мақалдың екінші бөлігін жалғасын тауып, мәнін түсіндіру қажет.

1 жүргізуші:

Мәнге толы қазағымның тірлігі,

Сан асылдың ашылып тұр тұғыры.

Кеше ғана керексіз ғып тастаған,

Ғажап екен әдеті мен ғұрыпы- дей келе, сайымыздың 1-кезеңі

«Салт-дәстүрді білесіз бе?» деп аталады.

2 жүргізуші:

Әр топ басшысы интерактивті тақтада берілген ұяшықтардан белгілі бір санды таңдайды.

Әр санның артында сұрақтар жасырылған.

1 жүргізуші:

Әннің де естісі бар, есері бар,

Тыңдаушының құлағын кесері бар.
Ақылдың сөзіндей ойлы-күйлі,
Тыңдағанда көңілдің өсері бар.
Ұйықтап жатқан жүректі ән оятар,
Өннің тәтті оралған мәні оятар,- дегендей кезек «Қазақы дәстүрлер» әніне беріледі.

2 жүргізуші: Сөз кезегі әділ қазылар алқасына беріледі.

1 жүргізуші:

Қырдан ескен самалы,
Салтымыз бар бағалы.
Ақ қағазға аталар,
Шешен сөздер жазады, -дегендей сайысымыздың

2- кезеңі «Атадан қалған асыл сөз» деп аталады.

2 жүргізуші: Құрметті сайыскерлер! Интерактивті тақтада ұяшықтардағы сандардың артына жанды сұрақтар жасырылып берілген, қазір әр топ кезекпен тапсырмаларды таңдайды. (Дұрыс жауап- 5 ұпай, жартылай жауап 2 ұпай) :

1 жүргізуші: Әділ қазылар алқасы сайыстың бағасын берсе дейміз.

2 жүргізуші:

Тілім барда қазағым бар, халқым бар,
Дәстүрім бар, ата жолы салтым бар.
Туған тілде сыры терең жаным бар,
Туған тілде әнім менен сәнім бар.

Сайысымыздың 4-кезеңі «Мақал- сөздің мәйегі».

1. Бала тәрбиесі тақырыбына байланысты мақал-мәтелдердің бірінші жартысы слайд арқылы интерактивті тақтада көрсетіліп тұрады, екінші топ тез жалғасын тауып айтып, мәнін түсіндіру қажет. (Дұрыс жауап- 3 ұпай, жартылай жауап -1 ұпай) :

2. Айла алтау,

... Ақыл жетеу.

Айла мен ақыл қосылса,

... Алдырмайтын екеу.

3. Ұлтарақтай болса да

... Ата қонысы жер қымбат.

Ат төбеліндей болса да

... Туып өскен ел қымбат.

4. Жақсыны арман оздырар,

... Жаманды құлқын тоздырар.

5. Түпкі айылдың батқанын

... Иесі білмес, ат білер.

Ер жігіттің қадірін

... Ағайын білмес, жат білер.

6. Жақсының жақсылығын айт,

... Мейірі тасысын,

Жаманның жамандығын айт,

... Құты қашсын.

7. Жеті атасын білмеген

8. Атаның ғана баласы болма, ... баласы бол.

9. Атаға қарап- ... бала өседі,

Анаға қарап- ... қыз өседі.

1 жүргізуші:

Құлақтан кіріп бойды алар,

Жақсы ән мен тәтті күй.

Көңілге түрлі ой салар,

Өнді сүйсен менше сүй,- дегендей құрметті көрермендер әділ қазылар алқасы сайыстың қорытындысын шығарғанша, сіздерді «Әуенді тап» ойынына шақырамыз.
Ойын шарты: интерактивті тақтада берілген ұлттық аспаптардың суретінің артына жасырылған шығарманың аты мен авторын табу керек .

Қылқобыз – Ықыластың күйі «Ерден».

Шертер – Төлеген Момбековтің күйі «Бозінген».

Домбыра – Халық әні «Ақдарига».

2 жүргізуші:

Бүгінгі бұл сайыста

Кімдер білгір, кім ұшқыр,

Салыстырып біз көрдік.

Қара қылды қақ жарып,

Әділін айтар қазылар,

Өздеріңізге сөз бердік

Әділ қазылар сайысты қорытындылап, топтарды марапаттайды.

1 жүргізуші:

Деменіздер біз өнерді аяп қалды,

Мезгіл де біраз жерге таяп қалды.

Сау болып тұрыңыздар кездескенше,

Осымен бүгінгі кеш аяқталды.

Кездескенше сау-саламатта болыңыздар!

2 жүргізуші:

Еліміз аман, жұртымыз тыныш болғай!

